

**Yeshua Mesias, Esun Ungi** ta e **Israelita ku ta Bin**.

"Ami ta e Alfa i e Omega," **Señor Dios** ta bisa, "**Esun ku Ta i Esun ku Tabata i Esun ku ta Bin**, e **Todopoderoso**." (**Revelashon 1:8**)

Meskos ku abo i ami tin un **nòmber**, **Nos Tata, Dios Todopoderoso** tambe tin un **nòmber**. **Dios Tata Su nòmber** ta **Su outo-revelashon** di **Su Mes**. Es desir **Su nòmber** ta bisa **Nos Ken E Ta. Dios Tata Su nòmber** ta **Ken E Ta**.

I **Dios** a bisa **Moisés**: "**AMI TA ESUN KU MI TA**"; i **EI** a bisa: "Asina bo mester bisa e yunan di **Israel**: '**AMI TA** a manda mi serka boso.'" Ademas, **Dios** a bisa **Moisés**: "Bisa e yunan di **Israel**: '**SEÑOR**, e **Dios** di boso tatanan, e **Dios di Abraham**, e **Dios di Isaak** i e **Dios di Jakòb**, a manda mi serka boso.' Esaki ta **Mi nòmber pa semper**, i esaki ta **Mi nòmber** konmemorativo di **generashon pa generashon**. (**Éksodo 3:14-15**)

**Jehovah, Jahweh, Jah** tur ta **nòmbernan** ku por wòrdu haña den e **lenganan original** di Beibel; **Hebreo i Griego**.

Ata aki un par di **nòmber Hebreo** ku ta bisa **Ken Dios Tata Ta**.

**Jehovah Eli - SEÑOR, Mi Dios** (**Salmo 18:2**)

**Jehovah Ezer - SEÑOR, Mi Yudansa** (**Salmo 33:20**)

**Jahweh Metsodhathi - SEÑOR, Mi Fòrti** (**Salmo 18:2**)

**Jahweh 'Ez-Lami - SEÑOR, Mi Fortalesa** (**Éksodo 15:2**)

**Jah Seh'lah - SEÑOR, Mi Baranka** (**Salmo 18:2**)

**Jah Go'el - SEÑOR, Mi Redentor** (**Isaias 49:26**)

**Jehovah Mephalti - SEÑOR, Mi Salvador** (**Salmo 18:2**)

**Jehovah Jireh - SEÑOR, Mi Proveé-dor** (**Génesis 22:14**)

Pa konosé e **nòmber** di **Dios**; ta pa ser **testigu** di e **manifestashonnan** di e **nòmber** di **Dios** i **konosé**, **apresiá**, **komprenyé** i **distinguí** e **Karakter** ku ta **denotá**, **indiká**, **marka** e **nòmber** di **Dios**. (**Éksodo 6:3; 1 Reinan 8:33; Salmo 91:14; Isaias 52:6; Jeremias 16:21**)

Ma e ora lo yega, ta serka di yega, si ela yega awor aki kaba, ku e **Adoradónan Bèrdadero** lo **Adorá** e **Tata** den **Spiritu i Bèrdat**; pasobra ta hendenan asina e **Tata** ta buska pa **Adorá E. Dios Ta Spiritu**, i esnan ku ta **Adorá E** mester **Adorá E** den **Spiritu i Bèrdat**. (**Juan 4:23-24**)

Awor kon **Nos** por **konosé**, **apresiá**, **komprenyé** i **distinguí** e **Karakter** di **Dios Tata**? Dor di tuma e **Desishon** di **Dedikashon**, **Determinashon**, **Disiplina i Dignidat**. E ora ei **Nos** lo **Adorá Dios Tata** den **Spiritu i Bèrdat**!

11 November 2016

Sea Bendishoná den e Amor di Yeshua Mesias

Rev. Remsly L Riley